

Աթոռոյն եւ զծանրութիւն սլարտուց, ուստի յազգային ժողովի սահմանեցին լինել ծայրագոյն կառավարիչ երուսաղէմի նախկին Պատրիարք Կոստանդինուպօլսոյ Պօղոս Արք. Եպիսկոպոսի, և գնալ անդ Արքունի հրովարտական ընդ Մարկոս Եպիսկոպոսի, բաւնալ յԱթոռոյն զԳաբրիէլ Պատրիարք եւ տանել 'ի Կոստանդինուպօլիս. այս աւետեաց լուր զոր գրեաց Կարապետ Պատրիարք յԵրուսաղէմ, ուրախացոյց յոյժ զմիարանս, և անհամբեր հոգւով սպասէին գալստեան նորա:

Ապա ծանուցեալ զխնդիրն Արքայի՝ Հանին հրովարտակ, և Ոստիկան Ահմէտ Աղա. գրեցան թուղթք յանձնարական 'ի Դամասկոս և յԵրուսաղէմ ըստ մտաց հրովարտակին, և առ այլ և այլ անձինս 'ի տեղեկութիւն, գրեաց և Կարապետ Պատրիարք առ համօրէն միաբանական դասս, յորում յետ յայտ առնելոյ զբառնութիւն ժամանակին, զպակասութիւն ուխտաւորաց, զառաւելութիւն պարտուց և տոկոսեաց, զպաշարին Աթոռոյն 'ի պէս պէս նեղութեանց և ճախորդութեանց, ասէ՝ « Ուստի անչափ և անսպառ նեղութեան Ս. Աթոռոյն ոչ տոկալով սիրտ ազգասէր Ամիրայից, բազմիցս 'ի խոյզ և 'ի խնդիր ելանէին մեծահանդէս ժողովով հանդերձ արհեստաւորօք դտանել զեւս բարելաւութեան, որ եւ ըստ բերման ժամանակիս յօգուտ Ս. Աթոռոյն յարմար դատեցին զԳաբրիէլ Պատրիարք Ս. Եղբայրն մեր կոչել 'ի Կոստանդինուպօլիս, խորհիլ 'ի միասին դտանել զհնարս դիւրութեան, և յազատութիւն պարտուց. թէպէտ և գրով ազգին և եթ կարելի էր հրաւիրել զնա աստ, սակայն 'ի ճանապարհի ոչ կարէր հանդիստ ժամանել 'ի խառնակութենէ կողմանց, 'ի Ղաֆար, և այլ անկանոն տրոց, ըստ մեծութեան անուան իւրոյ, վասն որոց արժան դատեցաւ առնուլ հրովարտակ, եւ Տէրութիւնն յօժարութեամբ ետ զայն, և առաքեցաւ ընդ Արքունի առն 'ի կողմանէ ազգին իբր հրաւիրակ Աղբիւնուպօլսեցի Մըկըրտիչ վարդապետ: Արդարեւ հրաւէրս տարօրինակ եւ չէ պատահեալ ցարգ. բայց եղանակն ստիպեաց առնել արտաքոյ օրինաց, զի ո՞ր սիրտ կարէ տոկալ, յորժամ զԱթոռն յայս մեծավիշտ տաղնապի տեսանէ, մեք և օրհնեալ ազգն մեր զովով հեռի անձամբ և միջոցաւ, հաշիմք 'ի տա-